



ჯანმრთელობის დაცვის და სოციალურ საკითხთა
კომისიის სხდომის ოქმი №57

23 სექტემბერი 2025 წელი

13:00 საათი

ა/წ 23 სექტემბერს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ზურაბ ჩიკვილაძე;
2. შალვა ოგბაიძე;
3. ანა კაკაბაძე;
4. ნათია მოდებაძე;
5. მარიამ გელაშვილი;
6. ვახტანგ სურგულაძე.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი.

სხდომის დღის წესრიგი:

- „ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 28 თებერვლის №52-16 დადგენილებაში ცვლილების შეტანის შესახებ“ ქ. თბილისის მუნიციპალიტეტის საკრებულოს დადგენილების პროექტი.



სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ზურაბ ჩიკვილაძე. სხდომის თავმჯდომარემ სხდომა გახსნილად გამოაცხადა, დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსს გელა ჩივიაშვილს, რომელმაც წარმოადგინა „ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 28 თებერვლის №52-16 დადგენილებაში ცვლილებები.

მისი განმარტებით, წარმოდგენილი ცვლილებების მიზანია, წესის გამართულად ჩამოყალიბება, რედაქციული თვალსაზრისით. ასევე, მოსარგებლეთა ქვეპროგრამაში ჩართვის პროცედურის დეტალურად ჩამოყალიბება, კერძოდ, მიმწოდებელთა და მომლოდინეთა უფლება-მოვალეობების ერთმანეთისაგან გამიჯვნა და განსაზღვრა წესში, რაც მეტად მოსახერხებელს გახდის ქვეპროგრამაში ჩართვის პროცესს, როგორც მომსახურების მაძიებელთათვის, ისე ქვეპროგრამის განმახორციელებლისა და მიმწოდებლისთვის.

დადგენილების პროექტის თანახმად, ცვლილება შედის „ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 28 თებერვლის №52-16 დადგენილების პირველი მუხლით დამტკიცებულ „ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის (კოდი: 06 02 27) განხორციელების წესში“ (შემდგომში - წესი).

წესის მე-6 მუხლი განიცდის მცირე რედაქციულ ცვლილებას, კერძოდ, ყველა პუნქტი რომელშიც მოხსენიებული იყო ტერმინი „მაძიებელი“, გასწორდა და ჩანაცვლდა ამავე წესის მე-3 მუხლის „ზ“ ქვეპუნქტით განსაზღვრული ტერმინით - „მომსახურების მაძიებელი“.

ამასთან, წესის მე-6 მუხლის პირველ პუნქტში ზუსტდება რომ მომსახურების მაძიებელი (პირი/მხარდამჭერი/კანონიერი წარმომადგენელი) განცხადებით მიმართავს მხოლოდ ერთ მიმწოდებელს. ამავე მუხლის მე-7 პუნქტით კი განისაზღვრება, რომ თითოეული მომსახურების მაძიებელი, მომლოდინე პირთა სიაში შესაძლებელია განაწილებული იყოს მხოლოდ ერთი მიმწოდებელთან. დაუშვებელია ერთი და იგივე პირი, ერთდროულად ფიქსირდებოდეს რამდენიმე მიმწოდებლის მომლოდინეთა სიაში.

ამავე მუხლს ემატება მე-8 პუნქტი, რომლითაც ზუსტდება მომლოდინე პირთა უფლებები. კერძოდ, თუ მომლოდინე თვლის რომ მიმწოდებელთან სერვისის მიღების მსურველთა რიგი დიდია, უფლება აქვს შეცვალოს და ახალი განცხადებით მიმართოს იმ მიმწოდებელს, რომელშიც სურს გადასვლა. აღნიშნულის შესახებ ატყობინებს იმ დაწესებულებას, რომლის მომლოდინე პირთა სიაშიც აქამდე ირიცხებოდა.

წესის მე-6 მუხლს ემატება მე-9 პუნქტიც, რომლის მიხედვითაც მიმწოდებელ დაწესებულებაში ვაკანტური ადგილის გაჩენის შემთხვევაში მომლოდინეთა ქვეპროგრამაში ჩართვა განხორციელდება მათ მიერ წარმოდგენილი განცხადებების რიგითობის მიხედვით.



ზემოაღნიშნულ მუხლს ემატება მე-10 პუნქტიც, რომელიც ეხება მიმწოდებლის ვალდებულებას წერილობით აცნობებს განმახორციელებელს, რომ არ ჰყავს შესაბამისი კვალიფიკაციის მქონე ასისტენტი იმ პირისთვის, რომელიც ამ ეტაპამდე იყო მომლოდინეთა სიაში, თუმცა გამოიყო საკმარისი ფინანსური რესურსი მისთვის მომსახურების გასაწევად. ასეთ შემთხვევაში, რიგი გადადის მომლოდინეთა სიაში მყოფ შემდგომ პირზე, ხოლო მიმწოდებელი ვალდებულია, თავად უზრუნველყოს სხვა მიმწოდებელ დაწესებულებაში იმ პირის გადამისამართება, რომელსაც ვერ აწვდის სერვისს.

ვინაიდან, დაზუსტდა მიმწოდებელთა და მომლოდინეთა უფლება-მოვალეობები, გაჩნდა ახალი ჩანაწერები, წესის მე-6 მუხლი ჩამოყალიბებული იქნება თერთმეტი პუნქტით, ნაცვლად ექვსისა.

კომისიის თავმჯდომარემ ზურაბ ჩიკვილაძემ სხდომის დღის წესრიგით გათვალისწინებული საკითხი კენჭისყრაზე დააყენა. აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი.

მომხრე: 6

წინააღმდეგი: 0

თავი შეიკავა: 0

კომისიამ დაადგინა

პროექტი განხილულ იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომის თავმჯდომარემ სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე

ზურაბ ჩიკვილაძე